



31. august 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Nunat allamiut umiarsuaataat oqimaaloquttaminnik imermik kalaallit nunaata imartaanut maqitsisarneri avatangiisinut qanoq kinguneqartarneri sunniuteqartarnerilu pillugit Naalakkersuisut paasissutissanik peqarpat ?**
- 2. Imaassinnaanerluni imit oqimaaloquttatut atukkat allameersut imaqarsinnaasut uumasunik uumasuaqqanilluunniit maani nunami naasunut ulorianartorsiortitsisinnaasunik – kalaallit nunaanni silaannarmi imaani nunamilu siammarsinnaasunik ?**
- 3. Nunani allani assersuutissaqarpa sakkortuunik, umiarsuarnut oqimaalutaq imeq pisuulluni sumiiffimmi immap uumasunik takornartanik siaruapallattartunillu mingutsitsisoqarsimaneranut ?**
- 4. Isumaqaarpunga Kalaallit Nunaata imartaani angallanneq annertusiumaartoq aatsitassiornerit assigiinngitsut aallartissinnaanngoriarmata paaasoqalerlunilu – aamma taamaassaqqooqaaq uuliamik nassaartoqassappat. Tamatumunnga atatillugu Naalakkersuisut isumaqarnerlutik iliuseqartoqartariaqartoq, umiarsuarnik angallannerup annertusinerata kinguneranik avatangiisit ulorianartorsiortinneqaleqqunagit ?**

(Inatsisartunut ilaasortaq Andreas Uldum, Demokraatit)

Tungavilersuut:

Ilisimaneqarput nioqqutissanik inunnillu imaatigut silaannakkullu angallassinerup nassatarisinnaagaa nappaatit siammarternerat kiisalu uumasuaqqat silaannarmi nunamilu siammartilersinnaasartut uumaffiginikuunngisaannakkaminni. Tamanna uumassuseqarnikkut ajorluinnartumik ilaatigut kinguneqarsinnaasarpoq. Tamatumunnga atatillugu assersuut amilaarnartoq tassaasinnaavoq Australiami pisoq, tassanimi eqqarsarluannginnerup kinguneranik nuna naasorissaasullu ilungersunartorsiortinneqarput uumasuaqqat siammarsimaneridik. Assigusunik pisoqartarpoq USA-mi nunanilu allani.

Qularinngilluinnarpara aamma imaassinnaalluarpoq imermi oqimaalutatut atorineqartumi uumasuaqarsinnaasoq kingorna uummavimminniit sumorsuaq assartorneqarsinnaasunik.



Amerlasuutigut ”tikeraat” tikinnerminni toqusimasinnaasarput aamma imaanut imeq maqineqannginnera sioqqullugu. Pisuni allani uumasut qaasuttut ajornartorsiut nungutissinnaasarpaat. Qulaanili taaneqartut pinngippata uumassuseqarnikkut ajorluinnartumik pisoqarataannaavoq.

Taamaattumik isumaqarpunga imiup oqimaaluttartut atorneqartup maqinneqarnerata kingorna ajornartorsiut takkussinnaasoq tassalu uumasuaqqat siaruapallartarnerat misissorluarneqartariaqartoq, tamannalu apeqquteqarninnut tunngaviuvoq.

Apeqqut akeqquneqarpoq piffissarititaasut ullut suliffiit qulit iluanni.